



Gion Battesta Giossi-Monn Rueras

Sco in far da sezuppar, pon ins dir. Baul tscheu e baul leu, aschia cumpara beinduras la mort.

Ils 7 da schaner ha ella era spluntau tier il defunct Gion Battesta Giossi-Monn naschius ils 31 d'uost 1931 a Rueras.

Ses geniturs ein stai: Vigeli Giossi dils muliners e Filomena Giger da Rueras. Dils 6 affons ei il defunct staus il vegl. Il bab fuva scrinari, la mumma postenenta e dasperas vevan els in pign puresser. Al Gion Battesta ha ei tuccau da pigliar en dapertut. Cunzun cu il bab ei gia igl onn 1943 ius en fossa.

Cun 31 onns ha el fundau famiglia cun Maria Monn da Sedrun, els han giu 6 affons. Ils emprems onns han els luvrau vid il puresser cun gronda curascha ed anim . Mo baul ha

il defunct stuiu sentir la direzia dalla veta e siu malengasi.

Vonzei ha ei munchedentau vid la sanadad, che ha mudergiau el e sia famiglia onns en ed onns ora. Tier tut quei ha lu la disgrazia els cuolms da siu fegl Alexi aunc purtau grond cordoli per el ed ils ses. En resignaziun hal Gion Battesta purtau las miserias. Contas gadas havessen ins dau pauc per sia veta, mo lamentar e malcuntents fuva el buca savens. L'entschatta schaner 1994 ha la mort fatg fin cun siu sufrir. Ussa pos Ti guder la pagaglia eterna.

Ruaussa en pasch.